



**JUDICIAL SYSTEM MONITORING PROGRAMME**  
**PROGRAMA MONITORIZASAUN SISTEMA JUDISIÁL**

*Komunikadu Imprensa*  
*22 Jullu 2013*

**Grupu fetu iha Suku Maudemu Distritu Covalima simu treinamentu husi JSMP**

Iha 18 Jullu 2013. JSMP, liu husi Unidade Justisa ba Feto (WJU) hala`o treinamentu ba grupu fetu na`in 36 iha Suku Maudemu Sub-Distritu Tilomar Distritu Covalima. Treinamentu ne`e hó tema ‘Moris la hó violénsia’.

Partisipante ba treinamentu ne`e aprende kona-ba sira-nia direitu, inklui Lei Kontra Violénsia Doméstika no Kódigu Penál. Treinamentu ne`e divulga informasaun kona-ba forma sira husi krime violénsia doméstika, violasaun seksuál no oinsá atu hetan assisténsia.

*“JSMP konvensidu katak liu husi programa treinamentu ne`e, comunidade fetu sira bele iha koñesimentu adekuada atu asesu ba sistema justisa formál hodi proteje sira-nia interese no direitu. JSMP espera katak treinamentu ne`e bele kontribui minimiza violénsia kontra fetu iha Timor Leste,”*dehan Diretór Ezekutivu JSMP, Luis de Oliveira Sampaio.

Reprezentante fetu rua husi Suku Maudemu Sra. Angela Maia iha ninia intervensaun haktuir katak treinamentu ne`e importante tebes ba grupu fetu sira. Liu husi treinamentu ne`e, bele fasilita vítima sira husi krime violénsia doméstika asesu ba justisa. Partisipante sira sujere ba JSMP atu iha futuru bele kontinua habelar no hakle`an liután fetu sira-nia koñesimentu iha asuntu lei no direitu umanus.

Observasaun JSMP iha treinamentu ne`e katak partisipante hotu interesante tebes atende treinamentu tanba diskute kona-ba sira nia direitu no Lei Kontra Violénsia Doméstika.

Treinamentu ne`e realiza ho apoiu finanseiru husi **The Royal Norwegian Embassy** iha Jakarta, Indonézia.

Atu hetan informasaun kle`an favor kontaktu direktamente:

Luis de Oliveira Sampaio  
Diretór Ezekutivu JSMP  
Telefone : 3323883/7295795  
Diresaun e-mail, [luis@jsmp.minihub.org](mailto:luis@jsmp.minihub.org)